



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enarratio Epistolæ Prioris Ad Timothevm, Et Dvorvm
Capitum secundæ**

Melanchthon, Philipp

Vitebergæ, 1561

VD16 M 3167

Leuantes puras manus.

urn:nbn:de:hbz:466:1-36308

T I M O T H : C A P . I I . 27

Nec potest h.ec admiranda doctrina satis copiose uerbis exponi, sed tamen initia hic utcunq; cogitanda sunt, & in quotidiana inuocatione repetenda est, & precandum, ut ipse Filius Dei Medicator radios suæ sapientiae & iusticie in nos transfundat.

Leuantes puras manus.

Semper in conspectu sit integra doctrina de precatione, & accendat nos ad inuocationem & ad fidem consideratio uoluntatis Dei, quæ eò ipso fit illustrior quia tam sèpè repetitum est præceptum de inuocatione, Sicut Taulerus dulcissimè inquit: Nunquam pectus hominis tam audum est ad accipiendum, quam uaida est uoluntas Dei ad dandam gratiam & salutem propter Filium.

Quæ res autem concurrere in precatione debeant, sepe alias dictum est. In his comprehenduntur & hæ circumstantie, quarum Paulus hoc loco mentionem facit. Leuate puras manus, id est, non pollutas malo proposito, iuxta illud: Ioan: 9. Peccatores Deus non exaudit.

Sine ira.

Id est, Sine indignatione & fremitu aduersus Deum, Sed flectantur corda aliquo modo ad patientiam, iuxta illud 1. Pet: 5. Humilianni sub

E 3 potenti